

Guerreiro galaico

Esta escultura é un **guerreiro galaico**.

Os guerreiros galaicos son esculturas dos castros.

Os castros aparecen no norte de España
no ano 800 antes do nacemento de Cristo.

Os castros son aldeas ou pobos de casas de pedra
con tellados de palla.

Os castros estaban rodeados
por unha o varias murallas de pedra.

As persoas desa época
construíron moitos castros en lugares altos
para poder defenderse mellor de calquera perigo.

Os guerreiros galaicos son grandes esculturas.

Os guerreiros galaicos estaban colocados
na entrada da muralla do castro.

Este guerreiro representa un home de fronte.

Ten os brazos pegados ao corpo
como unha persoa nun desfile militar.

O guerreiro leva un escudo redondo na mano dereita.
Tamén ten unha espada ancha diante do peito.

O guerreiro tamén leva unha camisa cun cinto.
e brazaletes nos brazos.



Información en
lectura fácil



Información en
lectura fácil

A escultura do guerreiro está feita de granito
que é un tipo de pedra moi dura.

Os investigadores din que a escultura tiña cores
para parecer máis real
e asombrar ás persoas que entraban ao castro.

Sabemos que o guerreiro é un home importante
porque a súa escultura leva xoias e armas.

Os investigadores pensan que os guerreiros galaicos
poden ser deuses da guerra, deuses protectores
ou guerreiros fundadores do castro.


Este guerreiro formaba unha parella con outro guerreiro.

Os 2 guerreiros
apareceron cerca do Castro de Armea en Ourense.
Un dos guerreiros servía de tapa dun canal de auga.
O outro guerreiro formaba parte dun muro.

Os habitantes da zona
recordan que os nenos xogaban cunha cabeza de pedra.
A cabeza de pedra podía ser dun dos guerreiros
pero agora está perdida.

Aínda que a escultura está rota e non está nun castro
sigue sendo un poderoso e misterioso guerreiro galaico.

Guerreiro galaico



musarqourense

museo arqueolóxico provincial de Ourense



Textos adaptados por:

FADEMGA



Plena
inclusión

Galicia